



O'ZBEKISTON RESPUBLIKASI INTELLEKTUAL MULK AGENTLIGI

BUYRUQ

Ўзбекистон Республикаси Интеллектуал мулк агентлигида
«Давлат ҳокимияти ва бошқаруви органлари фаолиятининг очиқлиги тўғрисида»ги
Ўзбекистон Республикаси Қонуни қоидаларини амалга ошириш тўғрисида

Ўзбекистон Республикаси Интеллектуал мулк агентлигида «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Қонуни талаблари ва уларни амалга ошириш учун белгиланган вазифалар ижросини таъминлаш максадида, буюраман:

1. Қуйидагилар:

«Ахборотдан фойдаланувчиларнинг Ўзбекистон Республикаси Интеллектуал мулк агентлигининг очик хайъат мажлисларида хозир бўлиши тартиби тўғрисидаги Низом» 1-иловага мувофик;

«Ўзбекистон Республикаси Интеллектуал мулк агентлигининг фаолияти тўғрисидаги фойдаланилиши конун ҳужжатларига мувофик чеклаб қўйилган ахборотга таалукли маълумотларнинг рўйхати» 2-иловага мувофик;

«Ўзбекистон Республикаси Интеллектуал мулк агентлигининг фаолияти тўғрисида ахборот тақдим этиш учун масъул бўлган шахстар рўйхати» 3-иловага мувофик;

«Ўзбекистон Республикаси Интеллектуал мулк агентлигининг фаолияти тўғрисида ахборот олишга доир сўровни кабул килиш тартиби ҳақида йўрикнома» 4-иловага мувофик;

«Ўзбекистон Республикаси Интеллектуал мулк агентлигининг фаолияти тўғрисида расмий веб-сайтида жойлаштириладиган ахборотлар рўйхати» 5-иловага мувофик;

«Ўзбекистон Республикаси Интеллектуал мулк агентлиги хузуридаги Ўзбекистон Республикаси оммавий ахборот воситалари вакилларини аккредитациядан ўтказиш комиссияси таркиби» 6-иловага мувофик тасдиқлансан.

2. Бошкарма ва бўлим бошликлари, таркибий тузилма раҳбари «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Қонуни қоидаларини амалга оширишга доир мазкур йўналишдаги тадбирларни ва конун ҳужжатларида белгиланган вазифалар ижросини ўз вактида ва сифатли амалга оширилишини таъминласинлар.

3. Юридик ва норматив-хуқуқий масалалар бўлими (Юсупханова) ўн кун муддатда мазкур буйруқ мазмунидан келиб чиккан холда, Агентлик фаолиятидаги ички ҳужжатларига ўзгартириш ва қўшимчалар киритиш ёхуд уларни бекор килиниши бўйича таклиф киритилишини таъминласин.

4. Мазкур буйрукнинг бажарилишини назорат килиш Бош директор ўринбосари М.Бобожанов зиммасига юклатилсан.

Бош директор

А. Файзуллаев

Toshkent sh.,
2017 yil "2" fevral
11 - son

Буйрукни тайёрлаган:

Г. Вапаева

Келишилган:

Бош директор ўринбосари

М. Бобожанов

ЮНМХ бўлими бошлиги

Г. Юсупханова

Таништирилди:

С. Азимов

С. Каримова

Д. Шерматов

Н. Нурматова

Ж. Мансуров

У. Ибрагимов

Н. Талирова

А. Джураев

Н. Хошимов

У. Зиядуллаев

М. Мансуров

Ўзбекистон Республикаси
Интеллектуал мулк агентлигининг
2017 йил «2» февралдаги 11-сон
буйруғига 1-илова

**Ахборотдан фойдаланувчиларнинг
Ўзбекистон Республикаси Интеллектуал мулк агентлигининг
очик хайъат мажлисларида хозир бўлиши тартиби тўғрисидаги
Низом**

Мазкур низом «Давлат хокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Конунига ва Адлия вазирлиги томонидан 2015 йил 22 декабрда 2742-сон билан давлат рўйхатидан ўтказилган «Ахборотдан фойдаланувчиларнинг давлат хокимияти ва бошқаруви органларининг очик хайъат мажлисларида хозир бўлиши тартиби тўғрисидаги намунавий низом»га мувофик, ахборотдан фойдаланувчиларнинг Ўзбекистон Республикаси Интеллектуал мулк агентлиги (кейинги ўринларда – Агентлик)нинг очик хайъат мажлисларида хозир бўлиши тартибини белгилайди.

1-боб. Умумий қоидалар

1. «Давлат хокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Конунининг 7-моддасига асосан, давлат хокимияти ва бошқаруви органларининг фаолияти тўғрисида ахборот излашни амалга ошираётган жисмоний ёки юридик шахс ахборотдан фойдаланувчи хисобланади.
2. Мазкур низом талаблари Агентлик томонидан очик хайъат мажлисида иштирок этиш учун таклиф этилган шахсларга нисбатан татбик этилмайди.
3. Агентлик мазкур низом асосида очик хайъат мажлисларида ахборотдан фойдаланувчиларнинг хозир бўлиши учун шароитлар яратади.
4. Агентликнинг хайъат мажлислари очик тарзда ўтказилади, қонун хужжатларида назарда тутилган ҳоллар бундан мустасно.
5. Агентлик масъул таркибий бўлинмаси (Патент хужжатлари ва таҳлилий ишлар бўлими) томонидан ахборотдан фойдаланувчиларнинг танишиб чикишлари учун бинонинг ҳамма кириши мумкин бўлган хоналарида ва (ёки) маҳсус ажратилган жойларида очик хайъат мажлисларини ўтказиш режалари, шу жумладан мажлисларнинг кун тартиби лойиҳалари. улар ўтказиладиган сана, жой ва вакт ҳамда бошқа зарур ахборотлар. ахборот стендлари ва (ёки) шундай максад учун мўлжалланган техник воситалар мажлис ўтказилишидан камида уч кун олдин жойлаштирилиши шарт.

**2-боб. Ахборотдан фойдаланувчиларнинг
очик хайъат мажлисларида хозир бўлиши**

6. Ахборотдан фойдаланувчи Агентликнинг очик хайъат мажлисларида хозир бўлиш учун Агентликка сўров билан мурожаат килади. Сўров «Давлат хокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Конунининг 20-моддасида белгиланган талабларга мувофик расмийлаштирилиши лозим.
Ахборотдан фойдаланувчининг идентификациялаш имкониятини берадиган маълумотлар кўрсатилмаган сўровлар аноним хисобланади ва кўриб чиқилмайди.

7. Сўров келиб тушган куни у Агентлик томонидан алоҳида маҳсус журналда рўйхатга олинади ва зудлик билан кўриб чикилади. Мазкур журнал ҳайъат масъул котиби томонидан юритилади.

8. Сўровга асосан ҳайъат масъул котиби ахборотдан фойдаланувчини Агентлик очик ҳайъат мажлисида иштирок этувчилар рўйхатига киритади ҳамда бу ҳакда ахборотдан фойдаланувчига маълум қилади. Агентлик очик ҳайъат мажлисининг ўтказилиш санаси, вакти ёки жойи ўзгарган тақдирда, бу ҳакда ахборотдан фойдаланувчига маълум қилинади.

9. Ахборотдан фойдаланувчилар Агентлик очик ҳайъат мажлисига шахсини тасдиқловчи ҳужжати асосида киритилади.

10. Ахборотдан фойдаланувчи Агентлик очик ҳайъат мажлисига келмаган тақдирда, ҳайъат масъул котиби томонидан бу ҳакда маҳсус журналга ёзib қўйилади.

11. Агентликнинг имкониятларидан ҳамда ахборотдан фойдаланувчилар сонидан келиб чиқиб, очик ҳайъат мажлиси ўтказиладиган залда ахборотдан фойдаланувчилар учун жой тайёрланади. Ахборотдан фойдаланувчилар Агентликнинг очик ҳайъат мажлиси ўтказиладиган залга маҳсус журналдаги қайд этиш кетма-кетлиги асосида жойлаштирилади.

Ахборотдан фойдаланувчилар сонининг қўплиги сабабли, уларни Агентлик очик ҳайъат мажлиси ўтказилаётган залга жойлаштириш имкони бўлмаган тақдирда, улар очик ҳайъат мажлисининг боришини видео тасвир оркали монеликсиз кузатиб боришлари мумкин бўлган хонага жойлаштирилиши мумкин.

12. Агентлик ўз имкониятларидан келиб чиқиб, ахборотдан фойдаланувчилар очик ҳайъат мажлисининг боришини видео тасвир оркали монеликсиз кузатиб боришлари мумкин бўлган алоҳида хона жиҳозлаб қўйилиши мумкин.

13. Ахборотдан фойдаланувчилар Агентлик очик ҳайъат мажлиси бошлангунга қадар белгиланган жойга етиб келиши, рўйхатдан ўтиши ва белгиланган жойга ўтириши лозим. Ахборотдан фойдаланувчилар Агентлик очик ҳайъат мажлисига раислик килувчи томонидан мажлис бошланганлиги эълон қилингандан сўнг келган тақдирда, кечикиб келган хисобланади ва ҳайъат мажлисига қўйилмайди.

14. Ахборотдан фойдаланувчи Агентлик томонидан тасдиқланган очик ҳайъат мажлисининг регламентида белгиланган тартибда мажлисда ҳайъат аъзоларига саволлар билан мурожаат қилиш ҳукукига эга.

15. Ахборотдан фойдаланувчи томонидан Агентлик очик ҳайъат мажлислари давомида ҳайъат мажлиси мухокамасига таалукли бўлмаган ва ушбу мажлисда мухокама қилинмаган масалалар бўйича фикр-мулоҳазалар билдирилган ёки саволлар билан мурожаат этилган тақдирда, унга мазкур масала бўйича ахборот олиш тартиби тушунтирилади.

16. Ахборотдан фойдаланувчи мажлис ўтказилаётган вактда тартибни бузмаслиги шарт. Ахборотдан фойдаланувчи мажлис ўтказилаётган вактда тартибни бузган тақдирда, ҳайъат мажлисига раислик килувчи томонидан огоҳлантирилади.

Ахборотдан фойдаланувчи тартибни такроран бузган тақдирда, у ҳайъат мажлисига раислик килувчи томонидан мажлис ўтказилаётган залдан чиқариб юборилади. Мазкур ҳолат юзасидан ҳайъат масъул котиби далолатнома тузали ва далолатнома ҳайъат мажлиси раислик килувчи томонидан имзоланади.

17. Ахборотдан фойдаланувчиларга Агентлик очик ҳайъат мажлисини фотосуратга, видео тасвирга олишга, овоз ёзиш воситаларидан фойдаланишга руҳсат берилмайди.

18. Ҳайъат мажлиси баённомасида очик ҳайъат мажлисларида хозир бўлган ахборотдан фойдаланувчиларнинг иштироки ҳакида тегишли маълумотлар кўрсатилиши шарт.

Ўзбекистон Республикаси
Интеллектуал мулк агентлигининг
2017 йил «2» февралдаги 11 - сон
буйруғига 2-илова

**Ўзбекистон Республикаси Интеллектуал мулк агентлигининг
фаолияти тўғрисидаги фойдаланилиши қонун хужжатларига мувофиқ чеклаб
кўйилган ахборотга тааллуқли маълумотларнинг
рўйхати**

1. Ихтиро, фойдали модель ёки саноат намунаси моҳияти тўғрисидаги маълумотлар, улар расман рўйхатдан ўтказилгунга ёки эълон килингунга қадар (талабнома берувчи ёки муаллифнинг розилигисиз);
2. Патент беришга талабномаларнинг материаларидағи маълумотлар: ихтиро, селекция ютуғига талабномалар ёки ихтирога патент бериш, фойдали модель ва саноат намунасини давлат рўйхатидан ўтказиш тўғрисидаги маълумотлар, улар расман рўйхатдан ўтказилгунга ёки эълон килингунга қадар (талабнома берувчи ёки муаллифнинг розилигисиз);
3. Талабнома берувчилар томонидан муҳофаза хужжатлари ёки лицензиялар расмийлаштириш борасидаги уларнинг тижорат сирлари ҳисобланадиган ва Агентликка тақдим этиладиган маълумотлар (талабнома берувчи ёки лицензия талабгорининг розилигисиз);
4. Хизмат ёки тижорат сирлари ҳисобланадиган ва Агентликнинг Апелляция кенгашида (иштирокчилардан бирининг илтимосномасига кўра) апелляциялар ва аризаларни кўриб чикиш сабабли маълум бўлган маълумотлар;
5. Топологиянинг бирон қатлами (масалан, «ноу-хау» га тааллуқли), кўриш мумкин бўлган материалларда ифодаланган конфиденциал маълумотлар;
6. Товар белгиси, хизмат кўрсатиши белгиси ёки товар келиб чиккан жой номини рўйхатдан ўтказиш ва улардан фойдаланиш ҳуқукини бериш тўғрисидаги талабномага оид маълумотлар, улар расман рўйхатдан ўтказилгунга ёки эълон килингунга қадар (талабнома берувчининг розилигисиз);
7. Ахборот олинган манбасида ёхуд исми-шарифи тахаллус остида кўрсатилган муаллиф тўғрисидаги ахборотлар (муаллифнинг розилигисиз);
8. Шахсий хаёт тўғрисидаги, худди шунингдек Агентлик ҳамда унинг идоравий бўйсунивидаги ташкилотлар раҳбалари ва ходимларининг шахсий хаёт дахлсизлигини бузувчи ахборотлар ва маълумотлар;
9. Интеллектуал мулк муҳофазаси ва уларга бўлган ҳуқукларни химоя қилиш масалалари бўйича ишларни суриштирув, дастлабки тергов ёки судда кўриб чикилиши муносабати билан маълум бўлиб қолган маълумотлар ва ахборотлар.

Ўзбекистон Республикаси
Интеллектуал мулк агентлигининг
2017 йил «2» февралдаги 41 - сон
буйруғига З-илюва

**Ўзбекистон Республикаси Интеллектуал мулк агентлигининг
фаолияти тўғрисида ахборот тақдим этиш учун масъул бўлган шахслар
рўйхати**

T/p	Ўзбекистон Республикаси Интеллектуал мулк агентлигининг фаолияти тўғрисида ахборот *	Масъул шахс **
1	Агентликнинг, унинг таркибий бўлинмалари ва тизимдаги корхоналарининг хуқукий макомини белгиловчи норматив-хуқукий хужжатлар	Г. Юсупханова
2	Агентлик томонидан қабул қилинган норматив-хуқукий хужжатлар, норматив ҳамда бошка хужжатлар, шунингдек уларнинг ижро этилишининг бориши тўғрисидаги маълумотлар	Г. Юсупханова, Ахборот хизмати вакили
3	Агентлик томонидан қабул қилинган норматив-хуқукий хужжатларга, норматив ва бошка хужжатларга ўзгартиш ва қўшимчалар киритиш, шунингдек ушбу хужжатларни ўз кучини йўқотган деб топиш тўғрисидаги маълумотлар	Г. Юсупханова
4	Агентлик томонидан ишлаб чиқилаётган норматив-хуқукий хужжатларнинг, норматив ва бошка хужжатларнинг лойихалари тўғрисидаги маълумотлар	Г. Юсупханова
5	Агентлик томонидан давлат дастурлари ҳамда бошка дастурлар амалга оширилиши тўғрисидаги маълумотлар	Н. Талирова
6	Агентлик томонидан ўтказиладиган оммавий тадбирлар (мажлислар, кенгашлар, учрашувлар, матбуот конференциялари, брифинглар, семинарлар, давра сұхбатлари ва бошқалар) тўғрисидаги маълумотлар	Н. Талирова, Ахборот хизмати вакили
7	Агентликнинг давлат хокимияти ва бошқарувининг бошка органлари, жисмоний ва юридик шахслар, шунингдек хорижий ва халкаро ташкилотлар билан хамкорлиги тўғрисидаги маълумотлар	Н. Талирова, Б. Рахимбердиев, Ахборот хизмати вакили

8	Агентлик иштирок этаётган Ўзбекистон Республикасининг халкаро шартномалари тўғрисидаги маълумотлар	Б. Рахимбердиев, Ахборот хизмати вакили
9	Агентлик фаолияти соҳасига тааллукли бўлган тармоқнинг (худуднинг) ҳолатини ва унинг ривожланиш суръатини тавсифловчи асосий кўрсаткичлар ҳакидаги, шу жумладан ижтимоий-иктисодий ривожланиш кўрсаткичлари тўғрисидаги маълумотлар	Н. Талипова, барча бўлим ва бошқарма бошликлари, таркибий тузилма раҳбарлари
10	Агентлик томонидан ўтказиладиган (ташкил этиладиган) очик танловлар (тендерлар) ва кимошли савдолари тўғрисидаги маълумотлар	Н. Хошимов, Ахборот хизмати вакили
11	Бўш иш ўринлари, ишга қабул килиш шартлари ва бўш иш ўринларини эгаллаш учун номзодларга қўйиладиган талаблар тўғрисидаги маълумотлар	У. Зиядуллаев, Ахборот хизмати вакили Х.Розметов
12	Агентлик томонидан тузилган мувофиқлаштирувчи ва маслаҳат органлари (шу жумладан, апелляция ва илмий-техникавий кенгаш) тўғрисидаги маълумотлар	Г. Юсупханова Б. Базаров
13	Агентлик очик хайъат мажлисларини ўтказиш режалари, шу жумладан мажлисларнинг кун тартиби лойиҳалари, улар ўтказиладиган сана, жой ва вакт, мажлисларда ҳозир бўлиш тартиби	Н. Талипова

Изоҳ:

*Масъул шахслар Агентлик фаолиятнинг очикликни таъминлаш максадида ўз йўналишларидаги ахборот, шу жумладан режалаштирилаётган мажлислар ва тадбирлар, кўриб чикилиши мўлжалланаётган масалалар, қабул килинган карорлар ҳакидаги ахборотларнинг ўз вактида эълон килинишини (чоп этилишини) таъминлайдилар.

**Ўзбекистон Республикаси Интеллектуал мулк агентлигининг фаолияти тўғрисида ахборот тақдим этиш учун масъул бўлган шахслар бошка ишга ўтган тақдирда, ушбу лавозимларга янгидан тайинланган шахслар ёхуд зиммасига тегишли функциялар юклangan шахслар ахборот тақдим этиш учун масъул шахс бўлиб хисобланадилар.

Ўзбекистон Республикаси
Интеллектуал мулк агентлигининг
2017 йил «2» февралдаги 11 - сон
бўйруғига 4-илова

**Ўзбекистон Республикаси Интеллектуал мулк агентлигининг фаолияти
тўғрисида ахборот олишга доир сўровни қабул килиш тартиби хақида**
Йўриқнома

Мазкур Йўриқнома Ўзбекистон Республикасининг «Давлат ҳокимияти ва бошқаруви органлари фаолиятининг очиқлиги тўғрисида»ги Қонунига хамда Вазирлар Маҳкамасининг 2015 йил 6 ноябрдаги 320-сон «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Қонуни коидаларини амалга оширишга йўналтирилган комплекс чора-тадбирлар кўриш тўғрисида»ги қарорига, Адлия вазирлиги томонидан 2016 йил 17 марта 2769-сон билан давлат рўйхатидан ўтказилган «Давлат ҳокимияти ва бошқаруви органлари фаолияти тўғрисидаги ахборотни олиш учун сўровларни қабул килиш, рўйхатдан ўтказиш ва қайта ишлаш тартиби тўғрисидаги йўриқнома»га мувофиқ, Ўзбекистон Республикаси Интеллектуал мулк агентлиги (кейинги ўринларда – Агентлик)нинг фаолияти тўғрисидаги ахборотни олиш учун сўровларни қабул килиш, рўйхатдан ўтказиш ва қайта ишлаш тартибини белгилайди.

1-боб. Умумий коидалар

1. «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Қонунининг 7-моддасига асосан, давлат ҳокимияти ва бошқаруви органларининг фаолияти тўғрисида ахборот излашни амалга ошираётган жисмоний ёки юридик шахс ахборотдан фойдаланувчи хисобланади.

2. Агентликнинг фаолияти тўғрисида ахборот олишга доир сўров (бундан буён матнда сўров деб юритилади) ахборотдан фойдаланувчининг Агентлик фаолияти тўғрисида ахборот тақдим этиш хақида Агентликка ва (ёки) унинг мансабдор шахсларига йўлланадиган оғзаки ёки ёзма шаклдаги (шу жумладан электрон хужжат шаклдаги) талабидир.

3. Ахборотдан фойдаланувчи Агентликка унинг фаолияти тўғрисида ахборот олиш учун бевосита ёхуд ўз вакиллари орқали сўров билан мурожаат этиш хуқукига эга.

4. Сўровлар «Давлат ҳокимияти ва бошқаруви органлари фаолиятининг очиқлиги тўғрисида»ги Ўзбекистон Республикаси Қонунининг 20-моддасида кўрсатилган талабларга мувофик расмийлаштирилиши керак.

5. Ёзма сўровда мурожаат этувчининг электрон манзили кўрсатилиши мумкин. Ёзма сўровда электрон манзилнинг кўрсатилганлиги мурожаат этувчининг сўровга ахборот тизими орқали электрон шаклда жавоб олишга бўлган розилигидир.

6. Сўровлар давлат тилида ва бошқа тилларда берилиши мумкин.

7. Куйидагилар сўров хисобланмайди:

жисмоний ва юридик шахсларнинг ариза, шикоят хамда таклифлари;

тақдим этилишинин ўзига хос хусусиятлари бошқа конун хужжатларида назарда тутилган. Агентлик фаолиятига тааллукли бўлган ахборотнинг айрим турлари;

давлат ҳокимияти ва бошқаруви органларининг Агентлик фаолияти тўғрисидаги ахборотни олишга доир сўровлари.

8. Ахборотдан фойдаланувчи томонидан сўралган ахборот қонунда белгиланган тартибда давлат сирлари ёки конун билан кўрикландиган бошқа сирни ташкил этувчи маълумотлар жумласига киритилган бўлса, сўровда кўрсатилган ахборотни тақдим этиш рад этилади ва ахборотдан фойдаланувчига асослантирилган жавоб юборилади.

2-боб. Сўровларни қабул қилиш

9. Ахборотдан фойдаланувчи Агентликка оғзаки ёки ёзма шаклда ёхуд электрон хужжат шаклида сўров билан мурожаат этиши мумкин. Бунда электрон хужжат шаклидаги сўровлар Агентликнинг расмий веб-сайти, расмий электрон почта манзиллари ёки Ўзбекистон Республикаси Ягона интерактив давлат хизматлари портали орқали тақдим этилади.

10. Сўровларни қабул қилиш ва рўйхатдан ўтказилишини таъминлаш Агентлик сўровлар билан ишловчи масъул таркибий бўлинмаси (Патент хужжатлари ва таҳлилий ишлар бўлими) ёки масъул ходим томонидан амалга оширилади.

11. Сўров почта орқали келиб тушганда, сўровлар билан ишловчи таркибий бўлинма ёки масъул ходим томонидан конвертда сўров мавжудлиги текширилади.

Конвертда сўровнинг ёки сўровда кўрсатилган иловаларнинг мавжуд эмаслиги аниқланганда, сўровлар билан ишловчи таркибий бўлинма ёки масъул ходим томонидан икки нусхада далолатнома тузилади. Улардан бири (сўров ва у юборилган конверт билан бирга) сўровлар билан ишловчи таркибий бўлинма ёки масъул ходимда колади, иккинчиси кузатув хатига илова килинган холда конвертда кўрсатилган манзил бўйича юборилади.

12. Электрон хужжат шаклида сўров тушган кунида қоғозга босиб чиқарилиши, иш вақти тамом бўлгандан кейин тушган тақдирда эса – навбатдаги иш кунида қоғозга босиб чиқарилиши керак.

13. Ахборотдан фойдаланувчини идентификациялаш имкониятини берадиган маълумотлар кўрсатилмаган сўров аноним хисобланади ва кўриб чиқилмайди.

14. Сўров аноним деб эътироф этилганда, бу ҳақда ижрочи (ёки ижрочилар) томонидан хулоса тузилади. Хулосада сўровни аноним деб эътироф этиш учун асослар кўрсатилади. Сўровни аноним деб эътироф этиш тўғрисидаги хулоса сўровлар билан ишловчи таркибий бўлинма ёки масъул ходим томонидан тасдиқланади ҳамда Агентлик Бош директори ёки ваколат берилган унинг ўринbosарларидан бири томонидан ижродан олинади.

15. Аввалги сўровлар бўйича юборилган жавобдан норозилик билдирилган, шунингдек агар тақорорий сўров келиб тушган пайтда кўриб чиқишнинг қонун хужжатларида белгиланган муддати тугаган бўлса, аввалги сўров ўз вақтида кўриб чиқилмаганилиги ҳакида хабар килинган, айнан бир ахборотдан фойдаланувчидан келиб тушган сўров тақорорий деб хисобланади.

Тақорорий сўровга у келиб тушгандан сўнг навбатдаги рўйхат индекси берилиб, Сўровларни рўйхатга олиш журналида ёки электрон хужжат айланиш тизимида «тақорорий» деб кайд этилади.

16. Айнан бир ахборотдан фойдаланувчининг сўрови нусхаси сўров дубликати хисобланади. Агентликка сўров дубликати (нусхаси) келиб тушган ҳолларда, ушбу сўровга алоҳида тартиб раками берилмасдан, биринчи марта рўйхатга олинган сўровнинг тартиб раками ва ундан сўнг бош ҳарфда «/Д» белгиси ҳамда сўров келиб тушган сана билан кайд этилади (масалан, сўров биринчи марта 2016 йил 10 марта 10-1-25 билан рўйхатга олинган бўлиб, сўров дубликати ҳам келиб тушганда, «2016 йил 10 март, 10-1-25/Д» каби рўйхатга олинади).

3-боб. Сўровларни рўйхатдан ўтказиш

17. Сўров Агентликка келиб тушгандан сўнг, у сўровлар билан ишловчи таркибий бўлинма ёки масъул ходим томонидан Сўровларни рўйхатга олиш журналига ёки электрон хужжат айланиш тизимига қайд этилади.

18. Сўровларни рўйхатга олиш журнали ёки электрон хужжат айланиш тизимида сўров қабул килинган сана, сўровнинг тартиб раками, сўров билан мурожаат килган

жисмоний шахснинг фамилияси, исми ва отасининг исми, яшаш жойи (юридик шахслар учун – юридик шахснинг тўлиқ фирма номи, унинг жойлашган ери (почта манзили) тўғрисидаги маълумотлар, сўровнинг кискача моҳияти, агар сўров дубликат ёки такрорий бўлса, унинг дубликат ёки такрорийлиги ҳамда сўров ижроси тўғрисидаги маълумотлар кўрсатилади.

19. Ахборотдан фойдаланувчи ўз сўровини у кўриб чиқилгунга қадар ва кўриб чиқилаётган вактда ариза бериш орқали қайтариб олиш хукуқига эга.

4-боб. Сўровларни қайта ишлаш

20. Қабул қилинган ва рўйхатга олинган сўровлар бир иш куни ичida Агентлик Бош директори ёки унинг ўринбосарига резолюция (сўровни ижро этиш бўйича кўрсатма) кўйинш учун киритилади.

21. Резолюцияда сўровни ижро этиш учун масъул этиб белгиланган таркибий бўлинма(лар) раҳбарининг фамилияси, топширик мазмуни акс эттирилади ҳамда Агентлик Бош директори ёки унинг ўринбосари томонидан имзоланади ва сана кўйилади.

22. Резолюция ёзилганидан сўнг, сўров сўровлар билан ишловчи таркибий бўлинма ёки масъул ходим томонидан сўровни ижро этиш учун масъул этиб белгиланган таркибий бўлинма ходимига имзо кўйдирган ҳолда топширилади.

23. Сўровлар «Давлат хокимияти ва бошқаруви органлари фаолиятининг очиклиги тўғрисида»ги Ўзбекистон Республикаси Конунининг 19-моддасида белгиланган тартибда ва муддатларда кўриб чиқилади.

24. Сўровлар билан ишловчи таркибий бўлинма ёки масъул ходим мунтазам равишида Агентликда сўровлар билан ишлаш тизимини такомиллаштириш, шунингдек Агентлик фаолияти тўғрисида мунтазам сўралувчи ахборотларни нашр этиш ҳамда бошқа муҳим масалалар бўйича таклифлар тайёрлаш максадида сўровларни умумлаштириш, уларни мазмунан бирлаштириш ва бошка шаклларда қайта ишлашни амалга оширади.

5-боб. Оғзаки сўровларни қабул қилишни ташкиллаштириш

25. Агентликда Бош директор томонидан тасдикланган график асосида белгиланган кунлар ва соатларда жисмоний шахсларни ва юридик шахсларнинг вакилларини қабул қилиш ташкил этилади.

26. Агентликда ахборотдан фойдаланувчilarни қабул қилиш учун мўлжалланган алоҳида хона ажратилиши мумкин.

27. Ахборотдан фойдаланувчи оғзаки мурожаат этаётганда, Агентлик масъул ходимига ўзининг шахсини тасдиковчи хужжатини, юридик шахснинг вакили эса, ўзининг шахсини ва ваколатларини тасдиклайдиган хужжатларини кўрсатиши керак. Бундай хужжатларни кўрсатмаган ахборотдан фойдаланувчilar кабул қилинмайди.

28. Оғзаки сўров билан мурожаат қилган ахборотдан фойдаланувчини қабул қилиш сўров моҳиятидан келиб чиқиб, Агентликнинг тегишли таркибий бўлинма раҳбари ҳамда сўровлар билан ишловчи таркибий бўлинма ходими ёки масъул ходим иштирокида амалга оширилади.

Агарда оғзаки сўров билан мурожаат этган ахборотдан фойдаланувчини қабул қилиш вактида ушбу сўровни кўриб чиқиб Агентликнинг ваколат доирасига кирмаслиги аниқланса, унга сўралаётган ахборотни олиш бўйича сўров билан қайси давлат хокимияти (бошқаруви) органларига мурожаат этиши мумкинлиги тушунтирилади ва бу ҳакда Сўровларни рўйхатга олиш журналига ёки электрон хужжат айланиш тизимида қайд этилади.

29. Ахборотдан фойдаланувчilarнинг оғзаки сўровлари Агентликнинг «ишенч телефони» орқали қабул қилиниши мумкин. Бунда сўровлар мазкур Йўрикномада белгиланган тартибда расмийлаштирилади.

30. Оғзаки сўровга, имкониятга караб, дарҳол жавоб берилиши керак.

6-боб. Сўровларнинг кўриб чиқилишини мониторинг қилиш

31. Агентликнинг сўровлар билан ишловчи таркибий бўлинма ёки масъул ходими сўровларни ижро этиш учун масъул этиб белгиланган таркибий бўлинмалар томонидан сўровлар кўриб чиқилишини доимий мониторинг қиласди, зарур холларда, сўровларнинг ўз вактида кўриб чиқилишини таъминлаш чораларини кўради.

32. Сўровлар билан ишловчи таркибий бўлинма ёки масъул ходим сўровларни кўриб чиқиш муддатлари ва тартиби сўровларни ижро этиш учун масъул этиб белгиланган таркибий бўлинмалар томонидан бузилиши тўғрисида Агентлик Бош директорини дархол хабардор қиласди.

33. Сўровлар билан ишловчи таркибий бўлинма ёки масъул ходим мониторинг натижалари бўйича ҳар ойда Агентлик Бош директорига сўровлар кўриб чиқилишининг холати тўғрисидаги ахборотни, зарурат бўлганда, мавжуд камчиликларни бартараф этиш, давлат ҳокимияти ва бошқаруви органлари фаолиятининг очиқлиги тўғрисидаги конун ҳужжатлари бузилишига йўл қўйган ходимларга нисбатан жавобгарлик чораларини кўриш юзасидан тегишли таклифлар билан биргаликда тақдим этади.

34. Сўровлар билан ишловчи таркибий бўлинма ёки масъул ходим сўровларни умумлаштириб, тахлил килиб боради.

Зарур холларда, тахлил натижалари бўйича Агентлик Бош директорига Агентликда сўровлар билан ишлаш тизимини ва тегишли конун ҳужжатларини такомиллаштириш юзасидан, шунингдек ахборотдан фойдаланувчилар томонидан Агентлик фаолияти тўғрисида мунтазам сўралувчи ахборотларни нашр этиш ҳамда бошқа мухим масалалар бўйича таклифлар киритади.

7-боб. Якуний қоидалар

35. Мазкур Йўриқнома талабларининг бузилишида айбдор бўлган шахслар конун ҳужжатларига мувофиқ жавобгар бўлади.

Ўзбекистон Республикаси
Интеллектуал мулк агентлигининг
2017 йил «2» февралдаги 11 -сон
буйруғига 5-илова

**Ўзбекистон Республикаси Интеллектуал мулк агентлигининг
фаолияти тұғрисида расмий веб-сайтида жойлаштириладиган ахборотлар
рұйхати**

Ўзбекистон Республикаси Интеллектуал мулк агентлиги (кейинги ўринларда – Агентлик)нинг фаолияти тұғрисида расмий веб-сайты*да Ўзбекистон Республикаси Интеллектуал мулк агентлигининг фаолияти тұғрисида тасдикланган (конун хужжатларида белгиланган) ахборотдан ташқары қуидагилар жойлаштирилади:

- Агентликнинг раҳбарлари тұғрисидаги маълумотнома тарзидаги ахборот (биографик маълумотлар, фуқароларни қабул килиш кунлари ва ҳоказо);
- Агентлик хамда унинг таркибий тузилмаларининг иш тартиби тұғрисидаги маълумотлар, уларнинг телефон ракамлари хамда почта манзиллари, электрон почта манзиллари, маълумот хизмати телефонларининг ва ишонч телефонларининг ракамлари, жамоат транспортининг катнов йўллари, тұхташ жойларининг номлари ва йўналиш ракамлари;
- Агентликнинг раҳбарлари, шунингдек ваколат берилган мансабдор шахслари чикишларининг хамда баёнотларининг матнлари;
- Агентлик хузурида оммавий ахборот воситалари вакилларини аккредитация килиш тартиби тұғрисидаги ахборот;
- Агентликнинг томонидан күрсатиладиган давлат хизматларининг рўйхати, шунингдек тизимдаги корхоналар томонидан күрсатиладиган бошқа хизматлар рўйхати;
- Агентликнинг фаолияти тұғрисидаги таҳлилий маъruzалар хамда ахборот тусидаги шархлар;
- аризаларни, таклифларни ва шикоятларни қабул қилиш тартиби тұғрисида ахборот;
- Агентликнинг фаолияти тұғрисида ахборот олишга доир сўровларни қабул қилиш тартиби ҳақидаги ахборот;
- келиб тушган аризаларни, таклифларни ва шикоятларни, шунингдек Агентликнинг фаолияти тұғрисида ахборот олишга доир сўровларни кўриб чикишнинг умумий натижалари ҳақидаги ахборот.
- Агентликнинг расмий веб-сайтида конун хужжатларига мувофиқ унинг фаолияти тұғрисидаги бошқа ахборот хам жойлаштирилади.

*Изоҳ: Агентликнинг расмий веб-сайты Интернет жахон ахборот тармоғидаги унга тегишли бўлган ва фаолияти тұғрисидаги ахборотни ўз ичига олган расмий веб-сайт сифатида идентификация килинадиган, хамма фойдаланиши мумкин бўлган ресурсdir. Агентликнинг расмий веб-сайтидаги ахборот давлат тилида жойлаштирилиши керак (бошқа тиллардаги шаклларга хам эга бўлиши мумкин).

Расмий веб-сайтда жойлаштириладиган ахборотнинг санаси кўйилган бўлиши хамда у вакти-вакти билан, бирор янгилаб бориш даврийлиги хафтасига бир мартадан кам бўлмаслиги керак.

Агентлик расмий веб-сайтида жойлаштирилган ахборот (оммавий ахборот воситаларида эълон килинадиган ахборот билан тенг кучга эга бўлган) ишончли бўлишини таъминлаш ушбу вазифа юклатилган масъул таркибий бўлинма ёки масъул ходим томонидан таъминланиши шарт.

Ўзбекистон Республикаси
Интеллектуал мулк агентлигининг
2017 йил «2» февралдаги 11 -сон
бўйруғига б-илова

**Ўзбекистон Республикаси Интеллектуал мулк агентлиги хузуридаги
Ўзбекистон Республикаси оммавий ахборот воситалари вакилларини
аккредитациядан ўтказиш комиссияси таркиби***

- Файзуллаев А.Н. – Ўзбекистон Республикаси Интеллектуал мулк агентлиги
Бош директори, комиссия раиси
- Бобожанов М.К – Ўзбекистон Республикаси Интеллектуал мулк агентлиги
Бош директори ўринбосари, комиссия раиси ўринбосари
- Комиссия аъзолари:
- Каримова С.А. – Ихтиrolарнинг давлат илмий-техник экспертизаси ва
фойдали моделлар экспертизаси бўлими бошлиги
- Шерматов Д.Б. – Саноат намуналарининг давлат илмий-техник
экспертизаси ва товар белгиларнинг экспертизаси бўлими
бошлиги
- Азимов С.А – Патентга талабномаларнинг расмий экспертизаси бўлими
бошлиги
- Ибрагимов У.С. – Муаллифлик хуқуқи ва лицензиялаш бўлими бошлиги
- Вапаева Г.С. – «IP-CENTER» ДУК директори ўринбосари,
комиссия масъул котиби

Изоҳ:

*Комиссия аъзолари бошка ишга ўтган тақдирда, ушбу лавозимларга янгидан тайинланган шахслар ёхуд зиммасига тегишли функциялар юклangan шахслар комиссия аъзоси бўлиб хисобланадилар.

Ўзбекистон Республикаси Интеллектуал мулк агентлигига Ўзбекистон Республикаси оммавий ахборот
воситалари вакилларини аккредитациядан ўтказиш Комиссия томонидан «Оммавий ахборот воситалари
тўғрисида», «Давлат хокимияти ва бошқаруви органлари фаолиятининг очикилиги тўғрисида»ги, «Ахборот
эркинлиги принциплари ва кафолатлари тўғрисида»ги Ўзбекистон Республикаси конунларига мувофиқ,
шунингдек Вазирлар Махкамасининг 2006 йил 23 ноябрдаги 243-сон карори иловасига мувофиқ тасдикланган
«Ўзбекистон Республикаси оммавий ахборот воситалари вакилларини давлат хокимияти органлари хузурида
аккредитация килиш тартиби тўғрисида низом» талабларига ва бошка конун хужжатларига мувофиқ ўрнатилган
тартибда амалга оширилади.